

نفس الحديقة

تواعدنا على نفس الحديقة
اشيل من الوله كل الأماني
قبل ذاك الوعد جيت بدقيقه
اخاف اني نسيته لو ثواني
يشب القلب في جوفي حريقه
على ذكر الوعد يضحك زماني
نطرتة والصدر مافيه ضيقه
ابيه يعرف شوقي مع حناني
ترقبته وهو جاي بطريقه
يسابق خطوة اقدمه عشاني
وفجأه بانته بعيني حقيقه
تمنيت بحضوره مالقاني
سألته والحزن وشلون اطيقه
عسى قلبك حبيبي مانساني
نسيت العمر والسورد ورحيقه
نسيت اني على فرقاك اعاني؟
ابي تسمع كلامي لو دقيقه
حسافه مادريت انك اناني

عطالله فرحان



متيم تالي الليل

لاينشغل بالك ولا يضيق صدرك
هذا انامن حزن في هم في ضيق
ابك انت فوق الناس والناس حدرك
حبك بقلبي شامخ كنه طويق
قدرك تعرفه زين معروف قدرك
مكانته بين الحشا والمعاليق
يغري متيم تالي الليل بدرك
ويذوب صبح هام في بلة الريق
في ذمتي ماشافت العين ندرك
اقسم قسم في كل كل المخاليق
اهيم مع نفسي عن الكون وادرك
امرین ما تحتاج لي منك تعليق
انك وطن صدري والاضلاع جدرك
وأغفى على ضحكة عيونك ولأفيق
اموت بك قاع عشق طلع سدرك
واضمي لمحك ریح عطر ومواثيق
والا انا جمر على جال قدرك
نار تواكل للوجيه المطاليق
وتكفي دخيلك بس لا يضيق صدرك
امووت ما يلحق على صدرك الضيق

سلطان الأسيمر

